




PENSIUUNISIAT



1. Aallaqqaasiut

Utoqqalinersiat tapiissutaapput 67-inik ukioqalereerninni qinnutigisinnaasatit.

Kalaallit Nunaanni utoqqaat soraarninngorsimasut aningaasaqarnikkut isumannaallisaavigineqarnissaat, ilutigitillugulu utoqqalinissamut ileqqaarnissap soqutiginarnerunnissaa, utoqqalinersiaqartitsinermut siunertaavoq. Tamatuma saniatigut soraarnerit suliinnarnissamut pisinnaasut perusuttullu- immaqa sivikinnerusumik – pitsaanerusumik aamma atugassaqartinneqassapput. Malittarisassat soraarnernut innuttaasunullu utoqqalinersiaqalernissamut qinnuteqartunut tamanut atuupput.

**Isumaginninnermut, Ilaqutariinnut Inatsisinillu
Atuutsitsinermut Naalakkersuisoqarfik**

Imaneq 4

Postboks 260

3900 Nuuk

Tlf: +299 34 50 00

Email: iian@nanoq.gl

2020

Ilusilersuisoq: irisager.gl

Assit: Leiff Josefsen



2. Utoqqalinersiaqalernissamut kikkut qinnuteqarsinnaappat?

Ulloq 1. januaari 2021 aallarnerfigalugu utoqqalinersiaqarsinnaalernissamut 67-inik ukioqalersimassaait.

Inunnulli ukiuni ikinnerpaamik 35-ini timikkut tarnikkullu artukkernartumik sulisimasunit qinnuteqarnerup kingorna 65-inik ukioqalernerannit utoqqalinersiaqartitsinissamik kommunalbestyrelsi aalajangiisinaavoq. Inatsimmi piumasaqaatinut matumunnga mallittarisassat qinnuteqartumit naammassineqarpata tunniussisoqarsinnaavoq. Qinnuteqartup akissarsiortuunerminit aamma/imaluunniit namminersortumik inuussutissarsiuteqarnerminit kingunerisaanik nungullarsimanissaa ilaatigut piumasaqaataavoq. Suli suliffeqarnissat aamma piumasaqaataavoq.

Ilanngullugu Danmarkimi innuttaassuseqarlutillu Kalaallit Nunaanni najugaqassaait imaluunniit qinnuteqarneq sioqqullugu ukiuni pingasuni kingullerni Kalaallit Nunaanni aalajangersimasumik najugaqarsimassallutit.

3. Qanoq ilillunga utoqqalinersiaqalernissamut qinnuteqarsinnaavunga?

Utoqqalinersiaqalernissamut qinnuteqarusukkuut kommunimut saaffiginnissaatit. Tassunga atatillugu utoqqalinersiaqalernissannut piumasaqaatit aalajangersimasut arlallit tamatigut naammassineqarsimasussat eqqumaffiginissaat pingaaruteqarpoq.

Utoqqalinersiaqareersimaguit utoqqalinersiaqalernissamut nutaamik qinnuteqassanngilatit.

Utoqqalinersiaqalernissannik qinnuteqarniaruit qinnuteqarnissamut immersugassiaq immersorneqassaaq. Taanna najukkanni kommunip allaffiani pissarsiarisinnaavat.

NemID-eeqaruit Sullissivik.gl aqqutigalugu qarasaasiakkuut aamma immersuisinnaavutit. NemID netbankimut atortakkat atorsinnaavat.

Eqqaamassavat nammineerlutit utoqqalinersiaqalernissamut qinnuteqartussaagavit.

Siusinaartumik soraarnerussutisiaqaruit 67-inik ukioqaleruit ingerlaannartumik utoqqalinersiaqalissaatit.

Katissimallugu aappaqaruit, nalunaarsukkamik aappaqaruit katissimanermulluunniit assingusumik sivikinnerpaamik ukiumik ataatsimik sivisussuseqartumik inooqateqaruit katissimasat/nalunaarsukkamik apparisat/inooqatigisat marlunnik immersuissaaq. Taakku najukkanni kommunip allaffiani piniarsinnaavatit.

Piffissaagallartillugu qinnuteqarnissat inassutigineqarpoq. 67-inik ukioqalernissannut qaammatit marluk missaat sioqqullugu qinnuteqarnissat innersuussutaavooq.





4. Utoqqalinersiat annertussusaat

Utoqqalinersiat tassaapput tunngaviusumik utoqqalinersiat utoqqalinersianullu tapit. Tamatuma saniatigut immikkut ittumik pisoqartillugu tapisiaasinnaasunut arlalinnut periarfissaqarpoq.

Tunngaviusumik utoqqalinersiat utoqqalinersialinnut tamanut assigiipput, utoqqalinersianulli tapinut akigititaq assigiinngiaarsinnaavoq aappaqarnersutit/inooqateqarnersutit kisimiittuunersutilluunniit apeqqutaatinneqarluni.

Utoqqalinersiat amerlassusaannut utoqqalinersiat saniatigut nammineq qanoq isertitaqartiginersutit utoqqalinersiavillu saniatigut aapparisaat/inooqatigisat qanoq isertitaqartiginersooq aamma apeqqutaavoq.

4.1 Utoqqalinersianut akigititat

Utoqqalinersianut akigititat tullinnguuttut 1. januaari 2021-miit atuupput.

- Tamanut tunngaviusumik utoqqalinersiat ukiumut 64.239 kr.-it tikillugit amerlassuseqarput
- Utoqqalinersianut tapit kisermaamut ukiumut 79.683 kr.-upput
- Utoqqalinersianut tapit utoqqalinersialimmuq utoqqalinersiaqanngitsumik aappalimmuq/ inooqatilimmuq ukiumut 79.683 kr.-it tikillugit amerlassuseqarput, aappariit massakkuq isertitaat katillugit 300.000 kr.-it ikinneruppata.
- Utoqqalinersianut tapit utoqqalinersialinnuq aappalinnuq/inooqatilinnuq ukiumut 44.292kr.-it tikillugit amerlassuseeqarput.

Utoqqalinersiat ima ineriartortinneqartarput¹:

| TUNNGAVIUSUMIK UTOQQALINERSIAT (tamarmik) 64.239 kr. | | |
|--|---|---|
| UTOQQALINER- SIANUT TAPIT (kisermaanut) 79.683 kr. | UTOQQALINER- SIANUT TAPIT (aappariit) 44.292 kr. | UTOQQALINER- SIANUT TAPIT* (aappariit ukiumut 300.000 kr.-nit ikinne- rusumik isertitallit) 79.683 kr. |
| TAPIT ALLAT (soraarnerussutisialinnut immikkut pisariaqartitsisunut) ANINGAASAT AMERLASSUSAAT ALLANNGORARPOT | | |

4.2 “Aapparisaq/ inooqatigisaq” qanoq paasineqassava?

Aapparisaq/inooqatigisaq tassaavoq inuk katissimallugu aapparisaq, nalunaarsukkamik aapparisaq katissimanermulluunniit assingusumik sivikinnerpaamik ukiumi ataatsimi inooqatigisaq.

4.3 Suut “isertitatut” isigineqassappat?

Isertitatut pineqarput illit aapparisaq/inooqatigisaq *“massakkorpiaq isertitassi katinneqarnerat”*. Massakkorpiaq isertitat isertitallu akileraarutaasussat assigiinngitsupput, tassami isertitat akileraarutaasussat assigiinngitsut massakkorpiaq isertitatut isigineqarneq ajorput.

Massakkorpiaq isertitat aallaaviatigut tassaasarput illit aapparisaq/inooqatigisaq qaammatini kingullerni 12-ni A-tut aamma B-tut isertitassi katinneqarnerat. Assersuutigalugu akissarsiaasinnaapput namminerluunniit utoqqalinissamut ileqqaakkat. Takusassiami tulluuttumi takusinnaavat isertitat suut ilaanersut suullu ilaannginersut.

¹ *Malugiuk, (takusassiami ataaniittumi) utoqqalinersianut tapinik “qorsummiittoq” aappariit ukiumut 300.000 kr.-nit ikinnerusumik isertitallit pissappata, aapparisaq utoqqalinersiaqartuus-sannigilaq siusinaartumilluunniit soraarnerussutisiaqartuunani.

| "Isertitatut" natsorsuutigineqartut | "Isertitatut" naatsorsuutigineqanngitsut |
|--|---|
| <p>A-TUT ISERTITAT Akissarsiat Ilinniagaqarnersiutit Utoqqalinersianut nammineq ileqqaakkat Siulersuisunut ilaasortatut aningaasarsiat</p> <p>B-TUT ISERTITAT Ernianit isertitat Obligationit aningaasallu tammarnaveeqqusikkat Akissarsiat Nammineq suliffeqarfiutigisamit sinneqartoorutit Tunisat Atofeqarnermut atatillugu iluaqutit akeqanngitsut</p> | <p>A-TUT ISERTITAT*² Utoqqalinersiat Siusinaartumik soraarnerussutisiat Inunnut Isumaginninnikkut Isumannaallisaaneq pillugu Nunat Avannarliit isumaqatigiissutaa malillugu soraarnerussutisiat</p> <p>B-TUT ISERTITAT Paaqqinninersiutisiat Pilertortumik paarsinermut akissarsiat Meeqqanut paarineqartunut oqilisaassisuunermut akissarsiat</p> <p>ISERTITAT AKILERAARUSI-GASSAANNGITSUT (soorlu ineqarnermut tapiissutit)</p> |

Aalajangersimasumik ilanngaasut: Innuttaasut tamarmik aalajangersimasumik 10.000 kr.-nik ilanngaateqartarput, taanna utoqqalinersianut atatillugu atorneqarsinnaavoq. Illit aapparisaavillu/ inooqatigisavillu A-tut B-tullu isertitassinni 10.000 kr.-it siulliit massakkorpiaq isertitassinni ilaatinneqassannginnerannik tamanna isumaqarpoq.

Utoqqalinersiaqalernissamik qinnuteqaruit kommuni suleqatigalugu massakkorpiaq isertitassatit naatsorsuusiorneqassapput utoqqalinersiaqaleruit isertitatit allannguuteqartussaammata.

² Malugiuk, aapparisaavit/inooqatigisavit utoqqalinersiaata naatsorsorneqarnissaanut utoqqalinersiat maannakkut isertitanut ilaatinneqanngikkaluartut, taamaattoq utoqqalinersiatit tapisiat allat, assersuutigalugu ineqarnermut tapit, naatsorsorneqarnissaannut ilaatinneqartarmata.



4.4 Isertitatit allanngorpata qanoq pisoqassava?

Illit imaluunniit aapparizat/inooqatigisat utoqqalinersiavit saniatigut isertitaqartaruit tassanngaannartumik allannguuteqartunik assersuutigalugu piffissap ilaannaani suli-saleruit sulisarunnaaruilluunniit imaluunniit aapparizat/inooqatigisat paaqqinnittarfimmut nuuppat, tamanna utoqqalinersiannut sunniuteqassaaq.

Massakkorpiaq isertitatit malunnaatilimmik allannguuteqarpata kommunerisavit tamatumingna ilisimatissallugu kiisalu massakkorpiaq siunissamilu isertitavit allannguutai uppersaasissallugit pisussaaffeqarputit. Assersuutigalugu akissarsiat allagartaat, tunisinermut uppersaasatit isumaqatigiisummilluunniit atorunnaarsitsineq uppersaasatit atorqarsinnaapput. Tamatuma kingorna utoqqalinersiatit kommunimit naatsorsuiffigeqqinneqassapput, taamaasilluni inissisimaffiit piviusoq aallaavigineqassalluni. Taamaattumik ilaatigut oqartoqartarpoq "massakkorpiaq isertitat".

Assersuutigalugu piffissap ilaannaani suliffiit annaasimagukku utoqqalinersianut tapinik qaffasinnerusunik sukkannerusumik tunineqarsinnaanissannik tamanna isumaqarpoq.

4.5 Utoqqalinersianik ikiliartortitsineq

Tungaviusumik utoqqalinersianik utoqqalinersianullu tapinik pisartagaqarnissamut akuerineqarsimagaluaruilluunniit tamakkiisumik utoqqalinersianik pisartagaqarnissat qularnaarneqanngilaq. Utoqqalinersiavimmi aningaasartai ikilineqartarput illit imaluunniit aapparizavit/inooqatigisavit massakkorpiaq isertitanut killissaq aalajangersimasoq qaangersimappassuk.

Ikiliartortitsineq: Illit aamma aapparizat/inooqatigisat killissaq qaangerlugu akissarsiasi koruunit tamarmik, utoqqalinersiavit aningaasartaannik ikinnerulersitsissapput. Tamanna taaneqartarpoq *ikiliartortitsineq*.

Ikiliartortitsinerup aallartiffia:

- Tunngaviusumik utoqqalinersiat 383.666 kr.-iupput. Aningaasat taakku sinnerlugit akissarsiaqaruit, akissarsiatit killiliussap sinniissutaanik tunngaviusumik utoqqalinersiat koruunikkaarlugit 40 oorimik ikilissapput. Tunngaviusumik utoqqalinersiat piivinneqassapput, 544.263 kr.-inik amerlanerusunilluunniit akissarsiaqaruit. Uani apparisavit/inooqatigisavit isertitai ilaatinneqanngillat.
- Utoqqalinersialimmut utoqqalinersiaqanngitsumik aappalimmut/inooqatilimmut utoqqalinersianut tapit 183.000 kr.-iupput. Apparit isertitaat katillugit 300.000 kr.-init ikinnerussapput.
- Aningaasat taakku sinnerlugit akissarsiaqarussi illit aamma apparisat/inooqatigisat akissarsianut killiliussap sinniissutaanik tunngaviusumik utoqqalinersiat koruunikkaarlugit 22 oorimik ikilissapput. Utoqqalinersianut tapit piivinneqassapput, illit aamma apparisat/inooqatigisat 300.000 kr.-inik amerlanerusunilluunniit akissarsiaqaruit/ssi. Utoqqalinersianut tapit allat tapisarisalersinnaanerannik tamanna kinguneqarsinnaavoq.
- Utoqqalinersialimmut aappalimmut/inooqatilimmut utoqqalinersianut tapit 183.000 kr.-iupput. Aningaasat taakku sinnerlugit akissarsiaqarussi illit aamma apparisat/inooqatigisat akissarsianut killiliussap sinniissutaanik tunngaviusumik utoqqalinersiat koruunikkaarlugit 22 oorimik ikilissapput. Utoqqalinersianut tapit piivinneqassapput, illit aamma apparisat/inooqatigisat 384.327 kr.-inik amerlanerusunilluunniit akissarsiaqaruit.
- Kisermaanut tapeqartitsiffiusumik utoqqalinersianut 156.000 kr.-upput. Aningaasat taakku sinnerlugit akissarsiaqaruit illit akissarsianut killiliussap sinniissutaanik tunngaviusumik utoqqalinersiatit koruunikkaarlugit 35 oorimik ikilissapput. Tapeqartitsiffiusumik utoqqalinersiat piivinneqassapput, 383.666 kr.-inik amerlanerusunilluunniit akissarsiaqaruit.

4.6 Utoqqalinersianik akileraarusiisarneq

Akileraarusiisarneq: Utoqqalinersiat akileraarutaasussaapput, tamatuma kingunerisaanik utoqqalinersianik akileraartoqartartussaavoq, soorlu assersuutigalugu akissarsiat taamaaliorneqartartut.

Inummut ilanngaat aamma Aalajangersimasumik ilanngaat: 48.000 kr.-nik inummut ilanngaateqaatigalutit 10.000 kr.-nik aalajangersimasumik aamma ilanngaateqarputit, taakku utoqqalinersianut atatillugu atorsinnaavatit. Inummut ilanngaat aalajangersimasumillu ilanngaat iluaqutigalugit utoqqalinersianni 58.000 kr.-init siulliit akileraarutegarfigissanngilatit.

5. Tapit

Utoqqalinersiallit tapinik arlalinnik pissarsisinnaapput assersuutigalugu meeqqamut pilersuisussaataagunik, innarluuteqarunik aningaasatigulluunniit annertuumik ajornartorsiuteqarunik.

5.7 Meeqqanut tapeq

Utoqqalinersiaqartuuguit meeqqamullu 18-init inorlugit ukiulimmut pilersuisussaati-taallutit meeqqanut tapisinnaavutit. Meeqqap ilinni najugaqarnissaa illillu Kalaallit Nunaanni aalajangersimasumik najugaqartuunissat piumasaqaataavoq.

Meeqqanut tapeq qaammammut 1.000 kr.-iuvoq.

Meeqqanut tapeq peerneqassaaq

- Meeraq tamakkiisumik pisortanit pilersorneqarpat
- Meeraq ilinniagaqarnersiuteqarpat suliffimmiluunniit misiliinermini tapisiaqarpat
- Meeraq nammineq aapparisaaminut/inooqatigisaaminut namminerluunniit meeqqaminut pilersuisussanngortitaappat.

5.8 Tapit allat

Utoqqalinersiallit ilaannut innarluuteqarnermut peqqissutsimullu tapeqartitsinissamut, aningaasanut nammineq atorsinnaasanut aningaasatigulluunniit tapeqartitsinissamut periarfissaqarpoq.

Utoqqalinersiaqartuunissat Kalaallit Nunaannilu aalajangersimasumik najugaqartuunissat tapinut tamanut piumasaqaataavoq. Tapit akigititallu sorliit pisartagarisinnarnerlugit ersarinnerusumik paasinarlugu kommunerisat attavigiuk.

Innarluuteqarnermut peqqissutsimullu tapit: Tunniunneqarsinnaapput, timikkut tarnikkulluunniit annertuumik innarluuteqaruit.

Aningaasanut nammineq atorsinnaasanut tapit: Tunniunneqarsinnaapput, akileraarutip ilanngaatillu kingorna aningaasat sinneruttut isumatuumik inuuniarnissamut ikippallaartut kommune naliliippat. Assersuutigalugu ineqarnermut akiliutissat innaallagisamulluunniit akiligassat akissaqartinngikkukku tunniussisoqarsinnaavoq.

Aningaasatigut tapeq: Utoqqalinersialinnut immikkut aningaasatigut ajornartorsiutlinnut aningaasanik ataasiartumik tunniussisoqarsinnaavoq. Tapeq taanna aningaasartuutitik pingaarnernik matussusiinermit taamaallaat tapiissutaavoq, assersuutigalugu piffissap ilaani nerisassanut aningaasaateqanngikkuit, kissarsuutivilluunniit uuliatortup ajoquteqalersimanera pissutigalugu iluarsaanneqartariaqarsimappat.



6. Danmarkimi utoqqalinersiat

Utoqqalinersiaqaruit Danmarkimullu nuullutit utoqqalinersiatit nassarsinnaanngilatit. Allatut oqaatigalugu Danmarkimut nuukkuit utoqqalinersiatit qaammatip naanerani unitsinneqassapput.

Danmarkimili utoqqalinersiaqalernissamik qinnuteqarsinnaavutit. Piumasaqaataasut naammassisinnaagukkit taanna Danmarkimut piniariaruit qinnutigissavat.

Danmarkimi najugaqartuuguit utoqqalinersiaqalernissamik taamaallaat qinnuteqarsinnaavutit. Taamaattumik nuunnivit oqartussanut nalunaarutiginnissaa eqqamassavat.



7. Naammagittaalliuuteqarsinnaavutit

Kommunip aalajangiinera isumaqatiginngikkukku, Isumaginninnermi Naammagittaalliuuteqartarfimmut naammagittaalliorsinnaavutit. Naammagittaalliornissamut immersugassiaq najukkanni kommunip allaffiani Sullissivik.gl-imiluunniit immersorlugu naammagittaalliuuteqarsinnaavutit. Taamaangippat Isumaginninnermi Naammagittaalliuuteqartarfik allakkatigut, oqarasuaatikkut najukkamulluunniit ataani allaqqasumut saaffiginnillutit attaveqarsinnaavutit:

Isumaginninnermi Naammagittaalliuuteqartarfik

Imaneq 29 1. sal

Postboks 689

3900 Nuuk

Tlf: +299 32 80 33

Email: maalaarut@nanoq.gl

NAALAKKERSUISUT
GOVERNMENT OF GREENLAND

